

幾以聞真宗問以長久之策無夢曰臣野人
但於山中誦老子周易而已其他不知也上
令講易即講謙卦上曰獨說謙何也無夢曰
方大有之時宜守以謙上喜其說除著作佐
郎不受一日復召講還元篇賜飲遣使送金
帛皆不受復賜處士先生號亦不受上因以
歌賜行曰混元為教含醇精視之無迹聽無
聲唯有達人臻此理逍遙物外事沉冥浮雲
舒卷絕常勢流水方圓靡定形乘興偶然辭
湘戶談真俄爾謁王庭順風已得聞宗旨枕
石還期適性情玉帛箬纒非所重長歌聊復
寵歸程明日遂行有旨令台州給著佐俸至
山亦不請其終始清節如此年九十九終于
金陵經三日頂中白氣出高三尺有瓊臺詩
行於世碧虛子陳景元蓋其弟子得老莊宗
旨云

劉先生

劉從善字順夫自幼好道家學於建隆觀
試業為道士天聖初承旨住景靈宮上與太
后欲受法錄詔觀妙先生朱自英於王清昭

應宮建壇命從善同壇受錄上嚴於孝事遣
使諭以先帝忌辰令於神御前呪食乃編三
洞經內呪偈尋進呪食文上嘉之賜金素之
號仍以文頌諸宮觀呪食之科自從善始時
延寧宮成詔撰聖像五藏銘應制者甚眾唯
從善稱旨以金玉牌刻其文仁宗不豫召從
善入內奏章命執政代命伏章詔問曰章達
否曰已達時晏駕已數刻忽復精神明爽傳
宣曰問為將軍何神從善曰三天門下有神
曰中元葛將軍主通章之神也復傳宣令設
位翌日聖體遂康諭左右曰朕昨夜至天門
有葛將軍云皇帝未合來急借馬遣回遂寤
上解御服衽席金帛賜之欲以先生號加錫
固辭英宗朝丞相韓魏公復請先生號賜之
又辭熙寧三年七月二十八日沐浴記集弟
子于前曰吾俟大風至即去須臾果風作如
說而化後有客自蜀還京見先生乘白馬入
蜀祝云見吾徒為言之由是知為尸解矣嘗
撰集齋科及拜章法及有歌詩行世

道門通教必用集卷之一

道門通教必用集卷之二

帳三

詞讚篇

鶴林道士呂太古集

啓堂頌

學道當勤苦欽信運丹誠燒香歸太上真氣
雜烟馨惟希開大宥七祖離幽冥

焚牒頌

璿璣星運轉玉漏響初傳告牒真官訖虔誠
啓醮延忱詞祈盼靈發露倍精專仰望真仙
衆依稀下九天

智慧頌

智慧生戒根真道戒為主三寶由是與高真
所崇受泛此不死舟候缺濟大有當此說戒
時諾天來稽首

奉戒頌

道為無心宗一切作福田立功無定主本願
各由人虛已應衆生注心莫不均大聖崇至
教亦由雨降天高陵靡不周常卑故成淵海
為百川王是能舍龍鱗萬劫保智用豈但在
嚴年奉戒不暫虧世世善結緣精思念大乘

會當體道真

請師頌

人各恭敬

古儀請師止是經籍度三師作三翻請且在正壇禮師存念之先乃自己傳度三世

之師後人不知考究誤以三師為天上仙

官故列為五師今既如是不可復改可專

五師中三師為天上鬱羅翹真人真定光

真人光妙音真人此乃天台葛仙公授經

時三師亦以見經教授傳之祖不忘所自

也如三清亦號三師已在正壇奉事不可

降為五師也玄中所以主教當在第一三

師次之監齋又次之

修齋行道奉請 玄中大法師降臨壇所

修齋行道奉請 經籍度三師降臨壇所

修齋行道奉請 監齋大法師降臨壇所

雲與已降鶴駕來臨齋事周圍還當奉送

唱道讚

道場衆等人各運心衆和皈命三寶一切念

華夏讚

學言學行言

三啓頌三首

樂法以為妻愛經如珠玉持戒制六情念道
遣所欲淡泊正氣停蕭然神靜默天魔並敬
護世世受大福

鬱鬱家國盛濟濟經道與天人同其願縹緲

入大乘因心立福田靡靡法輪升七祖生天

堂我身白日騰

大道洞玄虛有念無不契鍊質入仙真遂成

金剛體超度三界難地獄五苦解悉歸太上

經盡念稽首禮

王京步虛詞十首

稽首禮太上燒香歸虛無流明隨我迴法輪

亦三周玄願四大興靈慶及王侯七祖生天

堂煌煌耀景敷嘯歌觀太漠天樂適我棋齊

營無上德下仙不與傳妙想朗玄覺說說巡

虛遊

旋行躡雲綱乘虛步玄紀吟詠帝一尊百關

自調理俯命八海童仰携高仙子諸天散香

花肅然靈風起宿願定命根故致標高擬歡

樂太上前萬劫猶未始

嵯峨玄都山十方宗皇一岩岩天寶臺光明

焰流日燁燁玉林華蓓紫耀朱實常念復元

精鍊液固形質金光散紫微窈窕大乘坐

俯仰存太上華景秀丹田左顧提營儀右盼

雙結璘六度觀梵行道德隨日新宿命積福

應聞經若至親天挺起大才樂誦希微篇沖

虛太和氣吐納流霞精胎息靜百關寥寥究

三便泥丸洞明照遂成金華仙魔王敬受事

故能朝謝天皆從齋戒起累功結宿緣飛行

凌太虛提攜高上仙

控轡適十方旋慈玄景阿仰觀劫仞臺俯躬

紫雲羅道遙太上京相與坐蓮花積學為真

人恬然榮衛和水享無期壽萬椿奚足多

大道師玄寂真仙有無英公子度靈符太一

捧洞章舍利耀金姿龍駕欲來迎天尊躬雲

輿飄飄乘虛翔香花若飛雪紛霽茂玄梁頭

腦禮金闕携手遊王京窈窕園景園煥爛七

寶林天獸三百名師子巨萬尋飛龍躡躡鳴

神鳳應節吟靈風扇奇花清香散人襟自無

高仙才焉能就此心

嚴我九龍駕乘虛以逍遙八天如指掌六合
何足遼衆仙誦洞經太上唱清誦香花隨風
散玉音成紫霄五苦一時迸八難順經寥妙
哉靈寶固與此大法橋

天真帝一官雷靄觀曜靈流煥法輪網旋空
入無形虛皇撫雲璈衆真誦洞經高仙凜手
讚彌劫保利身

至真無所待時或轡飛龍長齋會玄都鳴玉
叩瓊鐘十華諸仙集紫烟結成宮寶蓋羅太
上真人把芙蓉散花陳我願握節微魔王法
鼓會羣仙靈唱靡不同無可無不可思與希
微通

金闕步虛詞

始青黎元蓋金香結朱烟飛神總翹轡稽首
玉帝前帝心浩以舒錫吾太靈篇是謂不滅
道萬天衆吾權吾行空洞中下仙昧其淵

步虛詞十首

太極分高厚輕清上屬天人能修至道身乃
作真仙行溢三千數時丁四萬年升臺開寶

笈金口為流傳

大梵三天主虛皇五老尊尚難窺微妙豈復
入名言寶座臨金殿霞冠照玉軒萬真朝帝
所飛鳥躡雲根

濛濛如細霧冉冉曳絳衣妙遂祥烟上輕隨
綵鳳飛幾陪瑤池宴忽指洞天歸佇立扶桑
岸高捧日帝暉

旋步雲綱上天風颯爾吹飄裾凌斗柄東拂
揮參旗獅子嘶丹綬麒麟導翠輜飛行周八
極幾見發椿枝

綠鬢頽雲鬢青霞絡羽衣晨趨陽德館夜造
月華扉搏弄周天火輪載起陸機玉房留不
住却向九霄飛

昔在延恩殿中霄降九皇六真分左右黃霧
繞軒廊廣內尊宸御仙在護道場孝孫今繼
志咫尺對靈光

寶籙修真範丹誠奏上蒼冰淵臨兆庶宵旰
致平康萬物消疵癘三辰効吉祥步虛聲已
徹更諫洞元章

宛宛神州地魏魏衆妙壇鶴袍來羽客鳧鳥

下仙官玉律斟元醴琅函啓太丹至誠何以

祝四海永澄瀾
水噴魔宮懾燈開夜府明九天風靜默四極
氣澄清嘯詠朱陵曲翔翔白玉京至誠何以
祝國祚永安榮

華夏吟哦遠人聲自抑揚沖虛歸道德曲折
合宮商殿閣沉檀散樓臺月露涼至誠何以
祝多稼永豐穰

玉清樂

地居天上接空居萬象森羅遍八區功用不
知誰主宰絳霞丹霧閎清都

碧落空歌黍米珠十方勃勃入無餘闡經慶
喜難言說九色龍騰八景輿

五色雲營發鏤屯三三洞戶敞瓊門何方道
士通朱表玉女飛函達上尊

上清樂

紫清天上有華林絳實朱柯竹葉深咀嚼繁
英身不老下觀鳥兔換光陰

元君八氣號青靈錦帔飛裙住玉城把握帝
符司道籍枝除塵累濟羣生

九日宮中四老真廣霞山上宴仙賓鳴鐘鼓
瑟行靈韻碧落融融別有春

太清樂

太一元君掌列仙形輝絳彩射芝田功圓會
遇刊冥籍可待洪崖笑拍肩

金闕明光後聖君流精煥彩結丹雲不因太
上相傳授安得人間有玉文
五節清香半夜焚天人玉女盪遙聞味同氣
合遙相應絳節霓旌下五雲

白鶴詞

白鶴初生在紫微且當洞府養毛衣借問仙
人何日至莫言不解伴雲飛

白鶴千年始一歸山川依舊世人非不因華
表分明語誰識當初丁令威

白鶴飛來下九天數聲嘹唳出祥烟日月相
催人易老不如修道學神仙

太一真人冰雪容步虛來往本無蹤蓬萊要
去而今去雲在應前鶴在松

白鶴天生壽命長翔翔仙境侍虛皇千春一
到華旌上却歸霄漢自然鄉

白鶴飛翔在玉京往來三界現長生修行若
達神仙境便乘真馭入雲庭

白鶴詞

白鶴疑霜一頂紅常居碧落杳冥中三清好
是逍遙處天上人間事不同

白鶴詞

八景戒期登秘宇九清敷佑協祥經曾雲韻
頑瞻仙羽暴日徘徊在福庭

白鶴詞

胎化靈禽喚九天雪毛丹頂兩相鮮世人莫
認歸華表來瑞升平億萬年

出堂頌

道以齋為先勤行登金闕故設大法橋普度
諸天物宿世恩德報道心超然發身飛昇仙
都七祖咸解脫

經儀三歸依讚

人各恭敬
至心歸依十方道寶當願眾生起心回向一
切信禮
至心歸依十方經寶當願眾生心開悟解受

持轉誦
至心歸依十方師寶當願眾生善上法橋無
有障礙

宿命讚

宿命有信緣弱長謂之無皆欲眼前見過目
即言悠大賢明道教慘感愆頑夫依依念子
苦勤勤令我憂

啓經讚

稽首虛皇天尊前
送經讚
無量玄玄也

解坐讚

為諸來生作善因緣如蒙開悟仰荷聖恩

七真讚

太上玄虛宗弘道尊其經俯仰已得仙歷劫
無數齡龜太真德寂寂因無生實景結空
構乘虛自然征日月為炳灼安和樂未央
學仙絕華念念念相因積去來亂我神神躁
靡不歷滅念停虛聞蕭蕭入空寂請經若飢

渴持志如金石係子飛仙路五靈度符籍
濟我六度行故能解三羅清齋禮太素吐納
養雲芽逍遙金闕內玉京為余家自然生七
寶人人坐連華仰爵玄都捺俯酣空洞必容
顏耀十日奚計年劫多法鼓會天仙鳴鐘徵
大魔

靈風扇香華燦爛繁絳太真撫雲璈衆仙
彈靈琴雅歌三天景散惠玉華林七祖生天
堂由此步玄音前世德未足斯書邈難尋信
道情不盡圖飛乃反沉太上無為道弘之在
兆心

學道由丹信奉師如至親挹景偶清虛孜孜
隨日新衆人未得度終不度我身大願有重
報玄德必信然陰惡罪至深對來若轉輪
學道甚亦苦晨夜建福田種德猶植樹積實
而成山子能就玄高飄爾升清天修是無為
道當與善結緣太上升隱書名曰智慧篇後
苦由大才超俗以得仙靈安世所奇輝若淵
中蓮
人行各有本皆由宿世功立德務及時發願

莫不從善惡俱待對倚伏理難窮賢士奉法
言道亦在兼忘解是大智慧是為太極公寶
蓋連玉與命駕御九龍金華空洞經捧香悉
仙童嘯歌徹玄都鳴玉扣瓊鐘

疎身凌太清超景逸紫霄保元持法網遊玄
極迫遙萬劫猶昨夜十春如晨朝巍我陰雲
華手攀寶林條香烟自然生玄階興扶搖靈
燭順風散繁想應時消滅智弘大混無為為
清謚

小學仙讚

學仙行為急奉戒制情心虛夷正氣居仙聖
自相尋若不信法言胡為栖山林

焚章頌

太上垂科教勤行福壽長延生依王訣請命
奏金章罪名除比府生籍上南昌見在保延
壽過去升福堂

又

太虛感靈會命我生神章一唱洞九玄二誦
天地通混合自相和九遍成人功大聖讚元
吉散花禮太空祈真真必佑請福福當洪諸

天並歡悅一切稽首恭

焚詞頌

人生多障難大道實矜憐救度留科戒威令
懺罪緣德善編地府疊結已聞天發露祈真
佑冥心仰聖賢虔恭禮三寶願得壽長年焚
詞飛上界奏名玉帝前

度簡頌

赤明開元圖和陽通上靈元始敷靈華十部
飛天書開度九幽祖萬過道自俱玉皇秀瓊
林生死福德虛自無黃錄簡苦根焉得除旋
行誦靈章五老還相扶

符戒頌

稽首無上道歸心元始尊至真妙應主開化
飛玄門妙戒怡五靈金書警萬神察命定錄
籍靈符度苦竟乘雲朝玉帝齊契玄中人

焚簡頌

天尊垂憫濟救苦最為先金錄白簡妙真符
玄又玄地府稟聖教鄭都禮此言拔度諸業
障告盟前罪愆九幽咸解脫亡鬼生九天

山簡頌

析真登紫府告命詣靈山玉女謠梵響金童
散香烟書名通九地列字上三天永享無期
壽克成高上仙

水簡頌

天尊留戒律太上演真經奉法須勤苦功德
貫精誠虔心啓三寶焚香告百靈書名投水
府功勳達上清

三塗五苦頌

三才及萬物倚伏各有齡終始代劫數福盡
天地傾往返於五道苦哉更死生展轉三塗
中去來與禍并

明燈頌

大道滿十方華燈通精誠諸天悉開曜九地
皆朗明我身亦光徹五載生華榮炎景照太
無遐想通玉京

散花樂

散花林散香林散香花滿道場上真前供養
玉京山上朝真會林散花十仙齊奏步虛音滿
道場至真前供養
空同一聲來月下步虛三唱入雲間

古散花樂

元始傳言齊受錄道君開教盡皈依
小有洞中三秀草玉京山上萬年桃
五色雲中呈綵鳳一爐香裏見朱紫
三真玉女持花節一雙童子捧金爐
五色綵雲來覆地九天真氣遠香壇
九龍關上集真聖八仙臺畔聽清謠
三島羽人朝象闕九天仙子下瑤臺
五色彩雲隨步起六銖仙服著身來
三島羽人來入座十洲鸞鶴引冲天
太上散花陳我願扣鐘鳴鼓會羣仙
萬朵蓮燈開夜月滿壇香霧雜天花
五字散花樂
絳節徘徊引天花散漫飛高真無染著
不沾衣
不沾衣
聖境三千歲仙花始一開如何金錄會併奉
列仙來
八陛旋瑤級千花鍊錦英六博并紫椽煥麗
不知名
淺淺黃金萼勻勻碧玉英天風隨羽蓋吹滿

九重城

綽約縈空際繽紛落坐隅韶華長不老何處
覓仙都
淨侶吟仙曲人人讚善哉萬花興供養飛舞
自天來

寶葉開琪圃珍柯在紫微不教蝴蝶採長伴
綵鸞飛
几席延騰馭香燈建寶壇丹心無可獻碎錦
洒雲端

碧綠相差次紅黃造淺深化工應自失雕斷
本何心
洞按爐烟起無為道德香同根無異氣噴鼻
更馨香

散花詞

天上春常在花開不計時瑤壇沾瑞霧芳氣
更芬滋
玉宇千門啓金爐百和然芬芳盈法座祇煉
待羣仙
空裏花無際元生玉帝宮只來臨靖館不去
逐和風

焚香表頌

太空包有象至道杳無形神和通妙氣應感
連衷情倏欵周八極依稀降萬靈散花陳素
悃委質表丹誠遠汎翔鸞蓋返翠倚鳳旌烟
宮高鬱鬱雲闕上亭亭瓊鳳出霄漢金龍入

太清甘露洽人世景福披幽冥

解壇頌

眇眇空無象悠悠感有情敬則垂天既褻則
被魔精吉凶隨運起否泰應緣生道不貴珠
玉神惟在至誠丹碧盡勤苦懇欵竭衷情自
然通大聖皆得降明靈捨香陳所願稽首莫
嘉禎天尊常寂靜回心禮香冥

還戒頌

天尊大慈悲說戒度衆生威德被幽顯果報
感眞靈諸天來稽首羣魔自束形過去超八
苦見在保安寧齋福行當息相共送天眞流
梵逸雲響飛香雜烟馨瓊鳳乘丹輦金龍駕
綠駟生往皆快樂家國悉安寧

辭師頌

修齊已訖仰荷洪恩稽首歸依表辭

玄中大法師

經法雖玄妙崇奉悉因師凡欲立善者咸當
禮敬之氣專功易就心慢悔難追若能勤繫
念朝夕自仙飛
修齊已訖仰荷洪恩稽首歸依奉辭

經籍度三師

道以齊爲重法以朝爲常不信不奉者焉能
遊帝鄉有骨入仙品自然開紫房玉女登雲
臺但見金銀房是故謝三師稽首禮虛皇
修齊已訖仰荷洪恩稽首皈依奉辭

監齋大法師

迢迢玉京山仙都高巍魏東真乘虛步明朗
長夜開大道由人信心至神自歸修齊行道
訖稽首辭正師

雲輿弗駐鶴駕難留後有告祈還當奉請

向來修齊功德上祝

皇帝聖壽無疆感賴善功成無上道一切信
禮

奉送讚

奉送讚每句下有解
花林三字金童捧金蓮玉女颺琪花直上

寶臺前

難思議讚每句下和
難思讚珎石落天中法會時寶珠初現甚纖微大聖珠
中傳妙道無邊聖衆盡相隨

祝鎮天真文

玄上高靈元始尊神大聖徘徊萬真臨軒三
景散輝瑞雲四陳上吉較圖推算九天丹書
赤字自然眞文上告五帝記名玉篇篇萬神監
映日月盟言願度願生願神願仙天地星宿
玄照帝身三官九府五嶽大神溥告無窮削
陰罪根修齊行道請福祈恩元始大明莫不
細言得與三景同輝紫宸輪轉不滅身得飛
仙

一鍊度眞文

元始太帝高上玉皇八天符命普告十方無
上無下無極神鄉三十二天隱韻靈章五文
結氣八會流光今日大有萬善敷張定名仙
圖列籍紫房修齊行道用技先亡幽關超度
冥夜開光超登三界景侍虛皇蒙訟絕息見
在興昌萬靈監映福祿殊常災凶掃蕩眷屬

安康請如所告金馬騰驥

又一首

無上至真大聖高真布化運氣三十二天八會九光自然成真安鎮天地保制劫年元始符命普告三元下勅九地上聞諸天中告海

嶽名山大川今日上告萬神咸聞修齋行道

技度幽覓三官九府削滅罪根永度三塗五苦之源代代受福記名丹篇神生福堂鍊化自然生死開度億劫長存九天符命金馬驛傳

五方消災真文正字

東方青帝消災真文歲星輔肝角亢正真凶房心尾四景回旋箕主七辰正斗明輪承氣捕非掃除災羣

南方赤帝消災真文熒惑輔心井鬼守房柳星張翼抗御四鄉軫主七宿回轉天常召運促會正道驛行

西方白帝消災真文太白檢肺奎婁守寬胃昂畢甯主制七關參總斗魁受符北元

北方黑帝消災真文北辰輔腎斗牛衛扉女

虛危室豁落四開壁總七星執凶糾非却災掃穢明道輪暉

中央黃帝消災真文鎮星輔脾迴度北元魁胞主非截邪斬根魁魁魁掃穢除氛懸正玄斗明度天關九天符命金馬驛傳

祝消災真文

元始上天三光高明回景照曜四方肅清運度所衝激揚流星五分錯越三統失寧五斗總辰七宿明靈真君大魁厥諱玉精夫人皇妃字曰育嬰總御仙關回轉諸天今有弟子

恐有災星懸告不祥請以真文赤書上陳散髮謝愆披露丹誠乞垂玄監回復天經氣不妄越災不橫生焚燒真文散烟玉庭上景監度普告萬靈氣清三關災滅九冥陰陽調和春屬安寧請以真文風火驛傳

祝符戒

元始上聖玉帝高真丹文告命濟死度生金錄妙戒極度幽冥白簡實符九真仙經解刑罪咎寬債和平救苦真人削除罪刑察命童子注上生名護戒威神引詣福庭超離五苦

乘駕雲輶輪轉得道飛升上清

祝交龍

元始符命下入重泉幽關夜府罪苦銜冤通幽負信魚龍告宣冤魄受鍊得離冥關神公往化上昇三天一如告命交龍驛傳

十二念

一念天地交泰二念大道興行三念陰陽叶序四念日月齊明五念廟社奉泰六念聖算延齡七念兆民康輯八念百穀豐盈九念異人間出十念災害不生十一念休祥荐至十二念治定功成

十二願

一願乾坤順二願道尊德隆三願五行不忒四願九廟來崇五願一人有慶六願四海會同七願萬物茂遂八願百穀滋豐九願君唱臣和十願俗洽時雍十一願與道合契十二願億載無窮

又

一願乾坤明素二願氣象清玄三願聖人萬壽四願化洽八埏五願天垂甘露六願地發

祥烟七願四時應節八願百物生全九願家
多孝悌十願國富才賢十一願鄴都罷對十
二願學道成仙

古儀十二願念總括無遺方見願力之廣
以是願念回向家國幽明蓋科儀中文意
亦復如此信古儀之盡善也如巢觀先生
願念則不然為國專以國事薦幽專以還
技消灾專以祈穰蓋其所著之儀亦復如
此故也今並錄之俾行持者自擇

巢儀十二念為國

一念天無氛穢二念地無妖塵三念神風靜
默四念日月照明五念八景冥合六念十方
肅清七念普受開度八念民稱太平九念萬
神侍衛十念諸天書名十一念功德甚重十
二念咸得長生

又連持

一願人無天橫二願澤及漏泉三願冤仇解
釋四願苦爽昇遷五願冢訟俱息六願復運
不纏七願九龍馳命八願寬門鍊仙九願幽
牢罷對十願七祖生天十一願朱陵受度十

二願坐致自然

又消災

一願闔門康健二願父母長生三願萬邪歸
正四願眾惡不萌五願五路通達六願宅舍
安寧七願營業稱遂八願六畜興生九願疾
病痊差十願財物豐盈十一願橫事不起十
二願永享利貞

普供養讚

人各存念注想天尊稽首歸依焚香供養願
香氣氤氳遍滿十方界上至無上大羅天仙
都王京蕭臺絡闕七寶紫微宮元始天尊虛
皇太上十方眾聖三境真仙寶藏靈文玄中
教主敬發心回向同入法門願以此香烟虔
誠供養普遍皈命禮至真三寶

祝八威真文

安瑛安宅

三光開明迴轉天常運推數終百六乘綱大
劫交會萬妖爭行北鬱不拘放逸鬼宗羣魔
縱肆妖閑天光上帝有命普告十方演明天
度法教開張宣道治民攝除不祥有何小妖
羣聚為場赤書玉文檢攝鬼鄉北鬱三官明

速傳行千魔束爽萬鬼送形流鈴交煥激氣
太陽金虎四遊天丁捕亡大小齊到不得匿
藏乞如所言列奏上蒼

八威真文

東山神呪攝召九天赤書玉字制會鄴山東
魔迭鬼所誅無蠲悉詣木官敢有稽延方東
北攝鄴山東送魔宗符教所討明列罪原南
山神呪威伏十方羣妖滅爽萬試摧亡方南
赤書玉字九天真文攝召萬氣普歸帝君方西
方北山神呪激陽起雷流鈴煥落鑊天振威
北邙所部萬妖滅摧方北
故攝北帝遏塞鬼門剪除不祥莫敢當前方

道門通教必用集卷之二